

Na osnovu člana 78. Zakona o prostornom uredenju ("Službene novine Kantona Sarajevo", broj 7/05) i člana 24. Statuta Općine Hadžići ("Službene novine Kantona Sarajevo", broj 15/09), Općinsko vijeće Hadžići, je na 28. redovnoj sjednici održanoj 28. jula 2011. godine, donijelo

## ODLUKU

### O SJEĆI I POTKRESAVANJU STABALA

#### Član 1.

Ovom Odlukom se reguliše postupak sječe i potkresavanja stabala na javnim površinama na području općine Hadžići, na zemljištu u privatnom vlasništvu, izuzetno ako stablo ugrožava život i zdravlje ljudi, instalacije komunalne infrastrukture, te stabilnost okolnih objekata.

#### Član 2.

Sjeća i potkresavanje stabala vrši se na osnovu odobrenja koje donosi općinski načelnik putem Službe za razvoj, stambeno - komunalne poslove i mjesne zajednice.

#### Član 3.

Općinski načelnik rješenjem imenuje komisiju koja daje stručni nalaz u svakom pojedinačnom slučaju.

#### Član 4.

Sjeća stabala odobrit će se:

- ako je stablo prestalo sa vegetacijom (oboljelo ili osušeno)
- ako postoji opasnost od pada stabla (oštećeno stablo ili korjenov sistem)
- ako stablo ugrožava život i zdravlje ljudi, instalacije komunalne infrastrukture, te stabilnost okolnih objekata,
- ako se stablo nalazi na lokaciji za koju je izdato odobrenje za građenje
- ako ugrožava bezbjednost i preglednost saobraćaja.

Potkresavanja stabala odobrit će se:

- ako stablo svojim rastom utiče na uslove života i rada ljudi u okolnim objektima,
- ako je djelimično prestalo sa vegetacijom,
- ako oštećuje okolne objekte i instalacije komunalne infrastrukture.

Ukoliko se radi o stablu koje zbog svog položaja (stabla u obuhvatu zaštićenih površina), vrste stabla ili iz drugog razloga, predstavlja hortikulturu i biološku vrijednost, odobrenje za sjeću ili potkresavanje donosi se po prethodno pribavljrenom mišljenju Kantonalnog zavoda za zaštitu kulturno - historijskog i prirodнog nasljeđa.

#### Član 5.

Održavanje stabala u obavezi je:

- vlasnika ili korisnika zemljišta na kojem se stablo nalazi,
- upravitelja zgrade, ukoliko se radi o stablu koje se nalazi u okućnici objekta kolektivnog stanovanja,
- nadležnog komunalnog preduzeća,
- upravitelja koji održava instalacije komunalne infrastrukture.

#### Član 6.

Zahtjev za sjeću ili potkresavanje stabla može podnijeti vlasnik ili korisnik zemljišta na kojem se stablo nalazi, investitor novog objekta, upravitelj zgrade i zainteresovano lice.

Postupak za sjeću ili potkresavanje stabla može pokrenuti i općinski organ uprave nadležan za komunalne poslove po službenoj dužnosti.

#### Član 7.

Uz zahtjev za izdavanje odobrenja za sjeću ili potkresavanja stabla dostavlja se kopija katastarskog plana sa označenim mjestom gdje se stablo nalazi, a ukoliko se radi o sjeću ili potkresavanju stabla radi izgradnje novog objekta, onda i odobrenje za građenje.

#### Član 8.

Troškove sjeće ili potkresavanja stabla snosi vlasnik ili korisnik zemljišta na kojem se stablo nalazi, investitor novog objekta, upravitelj zgrade, odnosno komunalno preduzeće u čijoj je nadležnosti održavanje stabala.

#### Član 9.

Na zahtjev zainteresovanog lica ili po službenoj dužnosti, općinski organ uprave nadležan za komunalne poslove može rješenjem naložiti vlasniku ili korisniku zemljišta, da o vlastitom trošku izvrši sjeću ili potkresavanje stabla, ukoliko su ispunjeni uslovi iz člana 4. ove Odluke.

Ukoliko vlasnik ili korisnik zemljišta ne postupi po rješenju iz prethodnog stava ovog člana, sjeća ili potkresavanje stabla izvršit će o trošku izvršenika općinski organa uprave nadležan za komunalne poslove putem nadležnog komunalnog preduzeća.

#### Član 10.

Sjeća ili potkresavanje stabala vrši se putem fizičkih ili pravnih lica specijalizovanih za tu vrstu posla.

Sve štete koje nastanu pri sjeći ili potkresavanju, uslijed nepažnje ili nepoduzimanja neophodnih mjeru sigurnosti, snosi lice iz stava 1.

#### Član 11.

Ukoliko je zbog izgradnje novog objekta ili postavljanja instalacija neophodno uklanjanje stabla, investitor objekta, odnosno instalacija je dužan da o svom trošku izvrši premještanje ili sjeću stabla.

#### Član 12.

Inspeksijski nadzor nad provođenjem odredaba ove Odluke vrši nadležna komunalna inspekcija.

#### Član 13.

Ako je do stupanja na snagu ove Odluke upravni postupak pokrenut kod nadležnog organa, a nije doneseno prвostepeno rješenje ili je rješenje poniшteno i vraćeno prвostepenom organu na ponovni postupak, postupak će se nastaviti po odredbama ove Odluke.

#### Član 14.

Ova Odluka stupa na snagu narednog dana od dana objavlјivanja na oglašnoj ploči Općine Hadžići, a naknadno će se objaviti u "Službenim novinama Kantona Sarajevo".

Broj 01-01.2-5738/2011

28. jula 2011. godine

Hadžići

Predsjedavajući

Općinskog vijeća Hadžići

Jazid Bajrić, s. r.

### Općinski načelnik

Na osnovu člana 34. Zakona o budžetima u Federaciji BiH ("Službene novine Federacije BiH", broj 19/06), te člana 15. Odluke o izvršavanju Budžeta Općine Hadžići za 2011. godinu ("Službene novine Kantona Sarajevo", broj 36/10), načelnik Općine Hadžići donosi

## ODLUKU

### O ODOBRAVANJU IZDVAJANJA SREDSTAVA TEKUĆE REZERVE BUDŽETA OPĆINE HADŽIĆI ZA 2011. GODINU

#### Član 1.

Na ime finansijske pomoći za nabavku lijekova, odobravaju se novčana sredstva u iznosu od 3.000,00 KM (trihiljade KM), za ŠEHĆ RAMU.

#### Član 2.

Sredstva iz člana 1. ove Odluke odobravaju se na teret pozicije: Tekuća budžetska rezerva Budžeta Općine Hadžići za 2011. godinu.